

Kedi Firindena Tesaloniki Kaane Ma Poli Alaa Falan Kedi Firinden Tesaloniki Kaane Ma

Kedin firinden kui naxan seɓe Tesaloniki kaane ma, Xera Poli xetema feene ma a bata yi naxan fala a kedi singen kui: Maxɔdinna naxan lanxi Yesu fa feen ma. Na feen mɔn Tesaloniki denkeleya muxune yimaxama. Muxuna ndee a falama e ye a na lɔxɔn bata a li (2.2), nde tondima wale na waxati rajanna fe ra, a to yiso, e goronna yi lu se bonne xun ma (3.6-12). Nayi, Kitabun yireni ito seɓexi nen alogo a xa xaxili jaxin ba muxune xunni naxan Tesaloniki denkeleya muxune tɔrɔma.

Xera Poli falan fɔlɔma Ala tantunna nan ma denkeleyaan nun xanuntenyana fe ra, Tesaloniki denkeleya muxune naxan yitaxi, a mɔn Ala maxandima alogo a xa e senɓe so wanli e xilixi naxan ma (1.1-12). Na danguxina, a yi fa Kitabun yireni ito a fala xɔnna ma, naxan lanxi Alaa Muxu Sugandixin fa feen ma binyeni. Na mi ligama fɔ muxu makabexina nde mini kenenni, “Muxu jaxina,” naxan kelima Ala xili ma a murute Alaa Muxu Sugandixin xili ma (2.1-12). Naxuyaana waran senɓena fe ra, a lan denkeleya muxune xa e senɓe so e denkeleyani Yesu a fe Xibaru Fajini, e yi lu Ala maxande ye yo ye (2.13-3.5). Xera Poli xɔlɔxin nan falan tima salantenne ma, a yi a yita e ra bonne walima kii naxan yi alogo e goronna nama lu muxe xun ma (3.6-15). A a falan napanma duban nun xɔntɔnna nan ma (3.16-18).

Kitabun yirena nde naxa, “Xa naxan mi waxi wali feni, hali na kanna fan nama donse don.” (3.10) Na falan tima Kitabu xaranne nan xa a e xa a liga e yeren ma a denkeleyaan mi findixi salayaan na, fɔ wanla xa ke nen Ala e tixi naxanye ra lɔxɔ yo lɔxɔ.

¹ Pɔli nun Silasi nun Timote nan ito seɓɛxi Tesaloniki denkeleya yamaan ma naxanye bata findi en Fafe Ala nun Marigi Yesu Alaa Muxu Sugandixin gbeen na.

² Fafe Ala nun Marigi Yesu Alaa Muxu Sugandixin xa hinanna nun bɔɲɛ xunbenla fi ε ma.

Kitina fe Marigin fa waxatini

³ Ngaxakedenne, a lan nen nxu xa barikan bira Ala xa ε fe ra waxatin birin. Na nan daxa amasɔtɔ ε birin ma denkeleyaan gboma ayi kati, e nun ε xanuntenyaan fan ε bode xa.

⁴ Nanara, nxu yetena ε matɔxɔma Alaa denkeleya yamane tagi ε tunnafanna nun ε denkeleyana fe ra hali ε to tɔrɔxi besenxɔnyani.

⁵ Na feene a yitama nen a Alaa kiti sa kiin tinxin naxan a ligama ε xa yatε muxu kamalixine ra naxanye soma Alaa Mangayani, ε naxankatani naxan ma fe ra.

⁶ Ala to tinxin, naxanye ε naxankatama, a ne saren fima naxankatan na nen,

⁷ ε tan naxanye naxankataxi, a yi matabun fi ε ma e nun nxu fan. Na ligama nen Marigi Yesu na make nen waxatin naxan yi, keli kore e nun a maleka senɓemane

⁸ τει δεγε gbeeni. A yi Ala kolontarene saran e fe naxine ra naxanye mi Marigin Yesu a fe Xibaru Fajin falan suxi.

⁹ Ne naxankatama habadan halagin nan na, e ba Marigin yetagi e nun a binye magaxuxina.

¹⁰ Na ligama nen a na fa laxon naxan yi e tagi, a yama sarinaxin birin yi a binya, e yi kabε a ma naxanye birin denkeleyaxi. E fan taranma nen ne ye amasoto nxu seren naxan ba ε xa, ε la nen na ra.

¹¹ Na kui, nxu Ala maxandima ε xa waxatin birin, alogo, a bata ε xili feen naxan ma, ε xa kamali, ε yi lan na ma. Nxu mon a xandima alogo, ε bata fe fajin naxan birin nenige, e nun ε na wanla naxan ke ε denkeleyani, Ala xa na birin nakamali a senben xon ma.

¹² Nxu na maxandin tima alogo en Marigi Yesu xinla xa binya ε xon, ε fan yi binyen soto a tan yi, en ma Ala nun Marigi Yesu Alaa Muxu Sugandixina hinanna barakani.

2

Fe naxi rabana fe

¹ Ngaxakedenne, en faan Marigi Yesu Alaa Muxu Sugandixin fa feen nan ma iki e nun en malan fena a fema. Nxu ε mafanma,

² xa ε nabiya falana ndee fe me hanma xibaruna hanma kedina naxan a falama Marigin fa laxon bata a li, ε xaxinla nama mafura yifuyε, ε boren yi mini, hali e naxa a fataxi nxu tan nan na.

³ E nama tin muxu yo xa ε mayenden kii yo yi, amasoto na laxon mi a liye fo na murute donxena a li singen, Xeme Sariyataren yi makenen, halagin nagidixi naxan ma.

⁴ Muxune seen naxanye birin yatεxi “alane” ra, e yi e batu, a a yetε yitema nεn, a yi keli ne xili ma. Na kui, a dεxoma nεn Ala Batu Banxini, a yi a yetε findi ala ra.*

⁵ N yi ε fema waxatin naxan yi, n yi naxan falama ε xa, ε mi ε yengi dεxi ne xεn ba?

⁶ Anu, iki ε a kolon ki fajni, naxan na xεmεn makankanxi, alogo a nama mini han a waxatin yi a li.

⁷ Amasεtε iki, sariyatareyaan bata wali fεlε wun-doni. A luma na kii nin han naxan a makankanxi, na yi ba na singen.

⁸ Na waxatini, Xεmε Sariyataren makεnεnma nεn, Marigi Yesu naxan halagima a dε foyen na, a yi a njan a fa feen nεrεn na.

⁹ Xεmε Sariyataren fama Setana sεnbεn barakan nin e nun wule kabanako feene nun wule taxam-assenne nun wule fe magaxuxin sifan birin,

¹⁰ e nun tinxintareyaan sifan birin naxanye halagi muxune mayendenma, amasεtε e mi tinxi nεndin nasuxε, a yi rafan e ma, e kisi.

¹¹ Nanara, Ala tantanna sεnbεn nafama nεn, naxan a ligε e la wulen na.

¹² Na birin ligama nεn alogo naxanye mi dεnkεleyaxi nεndin ma, tinxintareyaan nafanxi naxanye ma, ne xa makiti.

ε sugandixi ε kisi feen nan ma

¹³ Koni ngaxakedenne, Marigin xanuntenne, fε nxu xa barikan bira Ala xa ε fe ra waxatin birin, amasεtε xabu a fεlεni Ala ε sugandixi ε kisi feen na

* **2:4:** A mato Daniyeli 11.36 nun Esekiyeli 28.2 kui.

nɛn a Nii Sarijanxin xɔn naxan ε rasarijanma e nun denkeleyaan xɔn jɔndin ma.

¹⁴ A mɔn ε xilixi na nan ma Yesu a fe Xibaru Fajin barakani, nxu naxan nalixi ε ma, alogo ε xa binyen sɔtɔ naxan kelima en Marigi Yesu Alaa Muxu Sugandixini.

¹⁵ Nayi, ngaxakedenne, nxu xaranna naxanye radanguxi ε ma, a na findi kawandi xuiin na hanma sɛbɛnla, ε ne suxu, ε lu e yi ken!

¹⁶ En Marigi Yesu Alaa Muxu Sugandixin yetɛɛn nun en Fafe Ala naxan en xanuxi, a habadan bɔjɛ xunbenla nun yigi fajin fi en ma a hinanni,

¹⁷ na Ala xa ε ralimaniya ε bɔjɛni, a ε sɛnbɛ so wali fajin nun fala fajini.

3

ɛ Ala maxandi nxu xa

¹ Dɔnxɛn na, nxu ngaxakedenne, ε Ala maxandi nxu xa alogo Marigina falan xa xuya ayi, a yi binya alo a ε konni kii naxan yi,

² alogo nxu xa xunba muxu kobine nun muxu jaxine ma, bayo e birin mi denkeleyaxi.

³ Koni Marigin tinxin, a ε sɛnbɛ soma nɛn, a yi ε ratanga Fe Jaxin Kanna ma.

⁴ Nxu laxi ε ra Marigini, fa fala nxu ε yamarixi naxan na, ε na ligama iki, ε mɔn luma nɛn a ligɛ.

⁵ Marigin xa ε bɔjɛn ti Alaa xanuntenyaan nun a Muxu Sugandixina tunnafanna ra.

Wanla tɔnɔna

⁶ Ngaxakedenne, nxu ε yamarima Marigi Yesu xinli, Alaa Muxu Sugandixina, ε makuya ε ngaxakedenne birin na naxanye bata e yetɛ lu salayani,

e mi sigan tima xaranne xɔn ε naxanye sɔtɔxi nxu yii.

⁷ Ε yetena a kolon a lan ε xa nxu raliga kii naxan yi. Amasɔtɔ nxu mi yi salayaan xan yi ε konni.

⁸ Nxu mi muxu yo a donse don nxu mi a saren fi, koni nxu tin nen tɔrɔn nun xadanna ma, nxu wali kɔεen nun yanyin na, alogo nxu goronna nama lu ndenden xun ma.

⁹ Na mi na ra fa fala nxu mi nɔε na sɔte ε yii, koni alogo ε xa misaala tongo nxu ma.

¹⁰ Amasɔtɔ, nxu yi ε fema waxatin naxan yi, nxu ε yamari nen fa fala naxan yo mi tinje wale, na nama a dege.

¹¹ Anu, nxu bata a me a muxuna ndee ε ye, salantenne nan ne ra, e mi walima fɔ e to fe yibasanni.

¹² Nxu bata na muxune yamari, nxu yi e rali-maniya Marigi Yesu xinli, Alaa Muxu Sugandixina, a e xa e raxara, e wali alogo e xa e balon sɔtɔ.

¹³ Ε tan, ngaxakedenne, ε nama tagan fe fajin nabe.

¹⁴ Xa muxuna nde mi tin falani itoe suxe nxu naxanye seɓexi, ε na kanna rakɔrɔsi, fefe nama lu ε tan nun na kanna tagi, alogo a xa yagi.

¹⁵ Koni ε nama a yate ε yaxun na, koni ε a rakolon alo ε ngaxakedenna.

Xɔntɔn xuine

¹⁶ Ala xa Marigin bɔje xunbenla kanna xa bɔje xunbenla fi ε ma waxatin birin nun kiin birin yi. Marigin yi lu ε birin xɔn.

¹⁷ N tan Pɔli yeteen nan xɔntɔn xuini itoe seɓexi. N ma taxamasenna nan ito ra n ma kedine birin yi, n yii funfun ni ito ra.

¹⁸ En Marigi Yesu Alaa Muxu Sugandixina hinanna xa lu ε birin xɔn.

Kisin Kiraan Kitabuna

The Holy Bible in the Yalunka language of Guinea.

La Sainte Bible en langue Yalunka avec le titre: «Kisin Kiraan Kitabuna» Publié par Traducteurs Pionniers de la Bible en collaboration avec la mission MCA à la Préfecture de Faranah, République de Guinée 2012

Copyright du text: © 2012—Traducteurs Pionniers de la Bible. Cette création est mise à disposition selon le Contrat Paternité-Pas d'Utilisation Commerciale-Pas de Modification 3.0 Unported disponible en ligne

<http://creativecommons.org/licenses/by-nc-nd/3.0/> ou par courrier postal à Creative Commons, 171 Second Street, Suite 300, San Francisco, California 94105, USA.

copyright © 2012 Pioneer Bible Translators

Language: Yalunka

Translation by: Pioneer Bible Translators

..

This translation is made available to you under the terms of the Creative Commons Attribution-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not make any derivative works that change any of the actual words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2022-06-21

PDF generated using Haiola and XeLaTeX on 18 Apr 2025 from source files dated 29 Jan 2022

47153269-13a8-5fdd-8537-530b29da9f78